

Twee 'renosterstropers' verskyn in Gobabis-hof

01 June 2020 | [Howe](#)



1.



Twee vermeende renosterstropers het vandag in die landdroshof op Gobabis verskyn.

Mnre. Alberto Mbwale en Joseph Matheus het op klagte van die onwettige jag van spesiaal beskermde wild ('n renoster) en geldwassery verskyn.

Hulle bly in aanhouding. Landdros Eden Iyambo het hul saak tot 15 September vir verdere ondersoek uitgestel.

Die twee beskuldigdes is deel van die agt verdagtes wat verlede week in verband met renosterstropery en -horingsmokkelary in hegtenis geneem is.

Vier verdagtes is op Otjiwarongo vasgetrek en vier in Windhoek, onder meer die bekende pastoor Jackson Babi (30) wat vanoggend in die Windhoek-landdroshof verskyn het. Hy en sy 25-jarige medebeskuldigde, mnr. Friza Dumeni, bly ook in aanhouding. Hulle sal Woensdag vir borgtog aansoek doen.

Mnr. Marchell Hoeb het aangekla. Die beskuldigdes het sonder regsverteenvoordiging verskyn.